



欽定協紀辨方書卷五

義例三

天道 天德

月德

天德合

月德合

月空

天恩

天赦

欽定協紀辨方書

卷五

義例三目錄

天願

母倉

月恩

四相



時德

王官守相民日

四擊

九空

五墓



四耗

四廢

四忌 八窮 八龍 七鳥 九虎 六蛇

九坎 九焦

五虛

八風 觸水龍

寶義制專伐日

八專

無祿

欽定協紀辨方書

卷五

義例二目錄

重日 五合 五離 除神

解神

復日

鳴吠日

鳴吠對日

天道
天德



欽定協紀辨方書

卷五

義例三 天道天德

三

乾坤寶典曰天道者天之元陽順理之方也其地宜
 興舉衆務向之上吉○廣聖歷曰天道正月九月在
 南方二月在西南方三月七月在北方四月十二月
 在西方五月在西北方六月十月在東方八月在東
 北方十一月在東南方也○考原曰按天道者天德
 所在之方也

乾坤寶典曰天德者天之福德也所理之方所值之
 日可以興土功營宮室○堪輿經曰天德者正月丁
 二月坤三月壬四月辛五月乾六月甲七月癸八月

艮九月丙十月乙十一月巽十二月庚○曹震圭曰
四孟之月以陰干爲天德者是天道惠其未生也正
月丙火生而丁火未生四月庚金生而辛金未生七
月壬水生而癸水未生十月甲木生而乙木未生故
以陰干爲德也四季之月以陽干爲天德者是天道
惠其自墓也三月壬水墓六月甲木墓九月丙火墓
十二月庚金墓故以陽干爲德也四仲之月以四維
之卦爲德者是天道變化成功也二月萬物將生致
役乎坤也五月陰氣將生乾道變化也八月萬物將

收成言乎艮也十一月陰氣散陽氣入巽入也風以
散之也○考原曰天德者三合之氣也如正五九月
建寅午戌合火局故以火爲德正月丁九月丙五月
乾戌火墓在乾宮也二六月建卯未亥合木局故
以木爲德六月甲十月乙二月坤未木墓在坤宮也
三七十一月建辰申子合水局故以水爲德三月壬
七月癸十一月巽辰水墓在巽宮也四八十二月建
巳酉丑合金局故以金爲德四月辛十二月庚八月
艮丑金墓在艮宮也寅申巳亥月乃五行長生之位

故配陰干辰戌丑未乃五行墓庫之位故配陽干子
午卯酉乃五行當王之位故以配墓辰本宮之卦不
用支而用干者支地也干天也名曰天德故用天干
又用四卦以代辰戌丑未者不用地支故也

按月建皆支也斗柄運於天其所建者建於地所建
者火則建之者亦火所建者水則建之者亦水必矣
是故建寅午戌則建之者必丙丁乾矣建之者天也
德者得也其所自得也地得寅午戌火則天必得丙
丁乾火矣然必正丁五乾九丙者何也地以寅爲火

之生則天必丁爲火之成矣地以戌爲火之成則天
必丙爲火之所從生矣火生於日丙日也天火也丁
火也地火也若五月之午則火之正位地居正位則
天必居乾戌爲火之終始天執其兩端而地乃得用
其中焉餘可類推皆易天一地六之義也天德所在
用之無不吉順天也又按淮南鴻烈解天文訓日子
午卯酉爲二繩丑寅辰巳未申戌亥爲四鉤東北爲
報德之維西南爲背陽之維東南爲常羊之維西北
爲躡通之維斗指子則冬至加十五日指癸則小寒

加十五日指丑則大寒加十五日指報德之維則越陰在地故曰距冬至四十五日而立春加十五日指寅則雨水加十五日指甲則雷驚蟄加十五日指卯中繩故曰春分則雷行加十五日指乙則清明風至加十五日指辰則穀雨加十五日指常羊之維則春分盡故曰又四十六日而立夏加十五日指巳則小滿加十五日指丙則芒種加十五日指午則陽氣極故曰又四十六日而夏至加十五日指丁則小暑加十五日指未則大暑加十五日指背陽之維則夏分盡故曰又四十六日而立秋加十五日指申則處暑加十五日指庚則白露降加十五日指酉中繩故曰秋分加十五日指辛則寒露加十五日指戌則霜降加十五日指躡通之維則秋分盡故曰又四十六日而立冬加十五日指亥則小雪加十五日指壬則大雪加十五日又指子所謂報德之維常羊之維背陽之維躡通之維者卽艮巽坤乾也艮巽坤乾之維斗柄各指十五日不若震兌坎離之居卯酉子午統於十五日之中不別立分位也故天德方祇有艮巽坤

乾而無震兌坎離者以此○又按蠡海集曰術家取天德之法至子午卯酉月居於四卦之上每卦有二支人懷疑大抵天德不加於戊己者天氣不親於土其子午卯酉之月只用巳亥寅申不用四墓矣又一說旣不用四墓則五行之中土氣遂絕土其可絕乎蓋正用四墓爾春二月木墓未夏五月火墓戌秋八月金墓丑冬十一月水墓辰乃四行休墓于四季爲德也是以古今術家兼取用焉况亥月用乙未月用甲則卯月必用未不用申無疑矣寅月丁戌月丙則

午月在戌不在亥無疑矣蓋生月用陰墓月用陽旺月用墓餘倣此由今觀之蓋以天德取用以天干者八以卦位者四千卦不純故論說紛紛如此爾夫戊己者中宮之位本無方也是故以其母家命之則曰己未以其祿旺命之則曰己午以其終萬物始萬物之義命之則曰罡魁以其生萬物成萬物之義命之則曰坤艮要之舉其一義而未舉其全如欲舉其全莫若參同契以戊己爲坎離虛中不用爲得也夫不用者乃無適而不用凡十二月之天德皆戊己也雖

然四正方必尤著焉是故寓之於四維凡物之四維必通於心心立而後角乃見用角卽所以用心凡乾坤艮巽云者卽戊己耳若夫長生墓庫云者十二支乃有之十干無也今天德旣用十干則不應雜以十二支之義考原同王遠墓庫之說聊存以傳一解可也○又按天道卽是天德專言其方則曰天道兼日干與方向言之則曰天德其實一也又龍首經天道起例陽月用丑陰月用未加月建視天上甲庚所臨爲天道與此不同別詳辨論


欽定協紀辨方書

卷五

義例三 天道天德

八


月德



天寶歷曰月德者月之德神也取土修營宜向其方
宴樂上官利用其日○歷例日月德者正五九月在
丙二六十月在甲三七十一月在壬四八十二月在
庚○曹震圭曰月德者月中之陽德也故幹爲尊枝
爲卑是臣求君德也以三合五行陽干爲德假令寅
午戌三合爲火以丙爲德是各求自旺之幹爲應助
也餘倣此

按月陰也陰無德以陽之德爲德其一乎陽者皆德
也其二乎陽者皆慝也是故正五九火則以丙爲德
丙天上之火也天上之火地火之所稟也故寅午戌
火月以丙爲月德餘倣此推甲丙庚壬皆陽也陽者
德也是以不用乙丁辛癸也然則天德何以有乙丁
辛癸也曰從天而言之天秉陽故德宜陽而陽德宜
陰而陰也從月而言之月秉陰故專以陽爲德也然
則何以無戊也曰三合只四行也土寄其中無適而
非土也居中者用中生殺並施德刑互濟今專以德
言之則當旺之一行爲德自不得及乎土也土者地
也無德之德是謂大德大德者必不德也

天德合



欽定協紀辨方書

卷五 義例三 天德合


十

天寶歷曰天德合者合德之神也所理之方宜營構
宮室修築城垣所值之日宜覃恩肆赦命將出師禱
禮山川祈請福願○歷例曰天德合者正月壬三月
丁四月丙六月己七月戊九月辛十月庚十二月乙
是也四仲之月天德居四維故無合也○考原曰天
德合者卽各以其月天德所合之干爲之

按陽干爲德者陰干爲合陰干爲德者陽干爲合四
維固無合矣然舉坤乾艮巽之維以爲德則其近維
卽爲合乾與艮合寅亥合也寅戌合也坤與巽合申

已合也申辰合也不言者以四維無十干則不得有其日然以方向論則乾爲天德方艮卽爲天德合方巽爲天德方坤卽爲天德合方可以三隅反者也此亦可備一義

月德合



五行論曰月德合者五行之精符會爲合也所理之地衆惡皆消所值之日百福並集利以出師命將上冊受封祠祀星辰營建宮室○歷例日月德合者正五九月在辛二六十月在己三七十一月在丁四八十二月在乙○考原日月德合者卽各以月德所合之干爲之

按甲丙壬庚爲月德則己辛丁乙爲月德合矣月德與月德合無戊癸戊在巳爲金母癸在丑爲金墓酉爲金之正位庚辛所不臨合之卽巳酉丑全局也夫金者刑也德之反也已酉丑謂之三煞又謂之破碎又謂之紅沙德合之外戊癸之方恰存金局陰陽之自然而然者其妙如此

月空



歷例曰寅午戌月壬亥卯未月庚申子辰月丙巳酉
 丑月甲○天寶歷曰月中之陽辰也所理之日宜設
 籌謀陳計策○歷神原始日月德自南而東丙甲壬
 庚月空自北而西壬庚丙甲乃天德之衝神也一曰曰
 宜設籌謀陳計策者貴人之對名曰天空宜上書陳
 言故天空即奏書也此對月德之神亦名之以空而
 日月空故利於上表章也

按月德丙則月空壬則是凡為月空皆與月德為仇
 為敵者何以名曰月空歟孟子曰仁者無敵凡月


德之所在莫敢與爲對而亦莫或與爲敵則是方之神固有而不有者也故如十二神天空之例而以爲奏書之神焉

欽定協紀辨方書

卷五

義例三月筮

天恩




天寶歷曰天恩者施德寬下之辰也天有四禁常開一門甲爲陽德配己成養育之功故甲配子己配卯酉各五日而爲恩也萬物非土不生故以己土配甲成功其日可以施恩賞布政事恤孤惇興宴樂○歷例曰常以甲子至戊辰己卯至癸未己酉至癸丑凡一十五日○曹震圭曰天有四禁子午卯酉也子爲元武門午爲明堂門卯爲日門酉爲月門蓋聖人居明堂而治天下故常開此門易所謂聖人南面聽天下嚮明而治者也甲爲乾之納甲己爲離之納甲先天乾居正南後天離居正南故以甲配子己配卯酉然則不配午者以甲己皆南方卦之納甲也各進五辰而不及六者謂五爲君位中央之數不可過也故各配五日合之成一十有五爲天恩大吉日

按十母皆天也十二子皆地也然就十母而分之則甲乙丙丁戊又屬天己庚辛壬癸又屬地天地之心無往而非恩也然必有所見端焉其端維何曰天必以始而地必以中元善乾之所以統也黃中坤之所以大也天必以始故自甲子以至戊辰六十甲子之

首五日爲天恩地必以中故自己卯至癸未己酉至
 癸丑分六十而半之此十日者各居其中亦爲天恩
 甲至戊天也已至癸地也天五而地十者陽一而陰
 兩也不曰地恩而皆名天恩者地統于天也

天赦



天寶歷曰天赦者赦過宥罪之辰也天之生育甲與戊地之成立子午寅申故以甲戊配成天赦其日可以緩刑獄雪冤枉施恩惠若與德神會合尤宜興造○歷例曰春戊寅夏甲午秋戊申冬甲子是也○曹震圭曰天赦者乃天之赦過宥罪之神也生萬物者土也土之所居者四季也助土而成功者甲己也子午者陰陽氣爭之辰是其罪也寅申者陰陽否泰之辰是其過也至此四辰天道憫其罪過故以甲己配合而助以赦之辰戌者陽土也以甲配之春起甲戌

秋起甲辰丑未者陰土也以己配之夏起己丑冬起己未皆四時長生前一辰順數至當旺之陽辰是也○考原曰天赦爲赦過之辰則非以子午寅申爲罪過也蓋子午寅申者乃四時當旺之陽辰甲戌於十干中爲最尊所謂甲爲諸神之首戊以助甲成功也故以配其日皆取干不克支有上能生下之意如戊寅木非土不生也甲午木生火也戊申土生金也甲子雖非相生若戊子則以土克水故以甲配之且甲木生於亥水亦生木也故曰天赦

按歷神原始曰天有五緯歲星爲仁而甲應之鎮星爲德而戊應之仁德之神莫甲戊若也其說高於曹震圭遠矣史記天官書以木土爲吉星又道家以甲戊日爲祈禳所宜蓋其來久矣天赦與天恩義相似從六十甲子而論則有天恩十五日從四季而論則有天赦四日甲爲十干之首戊爲十干之中寅申爲春秋之始子午爲冬夏之中不以己爲中者己則過中又陰干也故易曰己日乃革之言甲至戊則數窮而當變也不用卯酉者生物者春始之夏終之成物


者秋始之冬終之始之者天也終之者地也春秋屬天故不用中而用始且卯酉亦陰支也用支之始則以干之中配之故春戊寅而秋戊申用支之中則以干之首配之故夏甲午而冬甲子是爲天地合德之辰天地生心之所見端也之死而忽生之莫大於赦故以天赦名也施恩赦罪固宜用之然謂必天恩之日乃可施恩天赦之日乃可赦罪則亦拘論也夫賞之不可行罪之不可宥歟則固不得以日之爲天恩天赦而曲法以從事也其恩之宜施罪之宜宥歟則

如火之然如泉之達雖破敗休廢之日何擇焉安得
擇此十九日而用之餘並屯其膏而不下耶

欽定協紀辨方書

卷五 義例三 天赦

天願



九

總要歷曰天願者月中善神也所值之日宜嫁娶納財敦睦親族○歷例曰天願者正月甲午二月甲戌三月乙酉四月丙子五月丁丑六月戊午七月甲寅八月丙辰九月辛卯十月戊辰十一月甲子十二月癸未○曹震圭曰天願者乃月建枝德合神也陽前陰後五辰各以陽干配之四季月以陰干配之若遇四孟及丑未子午者無合蓋謂亥巳爲陰陽終極之辰寅申爲陰陽否泰之辰丑未爲陰陽絕蔑之辰子午爲陽消陰長之辰故不可爲合也十干巳爲六賊

庚爲白虎壬爲元武故不可用也若逢忌用之辰以前後近者用之假令正月未爲枝德今忌用取近未者午以壬干甲配之得甲午也二月甲戌三月乙酉四月丙子五月忌亥退合丑就以丁配故得丁丑六月忌寅就午六合以戊配得戊午七月否建之辰忌丑就寅寅中有甲從其泰也八月忌庚用丙謂金生於巳巳中有丙配得丙辰九月辛卯十月忌壬以戊之陽土

能聚水潰土易有比卦之義故得戊辰十一月以其自建者謂前後皆無所配然建子之月未可假力於

人其忌壬用甲者是待其子有所助也十二月忌申以就近申之未故得癸未其義如此

按曹震圭之論支離難通不待辨而明矣於東不可則轉而之西于西不可又轉而之南之北陽干不可通則借陰干用之本位不可通則借下位用之然則神煞者乃聽人造作之物矣古人造作以愚今人今人解之又宛轉自道其造作之狀而號於天下曰當從我之造作以定吉凶雖三尺童子亦知不信矣考諸神煞起例乃知傳寫謬誤二十四字中誤十三字

欽定協紀辨方書

卷五

義例三天願

三

焉曹震圭不知其誤而曲爲解展轉支離如韓昌黎狀侯劉與軒轅彌明聯句所謂口吻鳴益悲者也起例曰正月乙亥二月甲戌三月乙酉四月丙申五月丁未六月戊午七月己巳八月庚辰九月辛卯十月壬寅十一月癸丑十二月甲子十二辰皆太陽也其十干皆令星也唯十二月甲非令星而其爲甲子其義最大蓋丑寅爲艮終萬物始萬物丑月木己甲於地中而太陽又適始于子故丑雖歲終而實始萬物樞紐陰陽尤令星之大者也太陽日也天之所以生


物者也令星時也天之所以成歲者也太陽右旋令
 星左旋五氣順布四時行焉百物生焉天之願也天
 願之義大矣哉

欽定協紀辨方書

卷五

義例三天願

母倉




三

天寶歷曰母倉者五行當王所生者爲母倉如遇土
王後則以巳午爲之其日宜養育羣畜栽植種蒔○
歷例曰春亥子夏寅卯秋辰戌丑未冬申酉土王後
巳午○曹震圭曰生我者爲母積藏者爲倉故以名
之各以生當時五行之辰爲之○考原曰春屬木水
生之故以亥子爲母倉也餘倣此不用干而用支者
支爲地有母道焉萬物生於土有藏道焉

按母倉者種植畜牧收納財等事之吉辰也春木以亥
子爲母木者亥子之所生水至木成則休矣母老則
待養於子也故以倉爲名又木生於水木之所以能
旺於春者由水生之則木固由水而得養也故以母
爲名又我尅者爲財而尅我之所由生者亦財也以
母倉之辰而納財一以見藏于生我之方則其原不
匱也一以見生我之方之宜致養焉以是爲報本返
始也一以見財者所以養人而多藏則尅我之所由
生轉以爲我害矣非所以爲養也母倉之義大矣哉

月恩



欽定協紀辨方書

卷五

義例三月恩

三

五行論曰月恩者陽建所生之干也子母相從謂之月恩其日宜營造婚姻移徙祭祀上官納財○歷例曰月恩者正月丙二月丁三月庚四月己五月戊六月辛七月壬八月癸九月庚十月乙十一月甲十二月辛○曹震圭曰月恩者子母相從是月建反生於彼蓋母生我我生子之義○歷神原始曰寅木生丙火卯木生丁火辰戌土生庚金丑未土生辛金巳火生己土午火生戊土申金生壬水酉金生癸水子水生甲木亥水生乙木皆月建之所生故曰月恩也○

考原曰正月寅陽木生丙陽火二月卯陰木生丁陰火則各從其類也餘倣此

按月恩者母倉之對待也母倉爲義爻月恩爲寶爻生令神之神母倉也有恩於本令者也月神所生之神月恩也有恩於彼神者也母倉爲本月之母本月爲月恩之母寅生丙卽甲生丙也卯生丁卽乙生丁也辰戌生庚卽戊生庚也子平家謂之食神寅卯辰猶母也丙丁庚猶男子也從地支以生天干猶母之生子也故結婚姻則宜子營造上官無所不宜


四相



總要歷曰四相者四時王相之辰也其日宜修營起
工養育生財栽植種蒔移徙遠行○歷例曰春丙丁
夏戊己秋壬癸冬甲乙○曹震圭曰四相者養育之
道母生子也春木王生丙丁夏火王生戊己秋金王
生壬癸冬水王生甲乙惟庚辛者金也能殺萬物故
不用

按四相無庚辛此非人之所能爲也木相本是火火
相本是土金相本是水水相本是木五行之自然而
然者也相者輔我者也此以知天之道任德不任刑
也相者相君者也此以知臣之道導以德而不導以
刑也

時德 又名四時天德




總要歷曰四時天德者四序中德神也其日宜慶賜
宴樂拜官賞賀○歷例曰春午夏辰秋子冬寅○曹
震圭曰子寅辰午乃東方生育之陽辰故用事吉也
申戌者西方之殺氣故不可用也各以四時所生之
陽辰爲之是我生者爲德也亦名時德按時德與四
相同義春木生午火夏火生辰土秋金生子水冬水
生寅木也四相取天干時德取地支

按子寅辰午申戌爲六陽辰陽者德也時德所以取
陽辰也分而言之春秋各二冬夏各一各以其時所

生取之春木生火取午夏火生土取辰戌辰先戌後
 取辰秋金生水取子冬水生木取寅六取四而所餘
 者適秋令之二辰焉亦猶十干爲四相而却餘庚辛
 二千不用皆自然而然非人之所能爲也天心之以
 德不以刑豈日者強爲說哉

王官守相民日



壇經曰王官相民守日者皆月內視事之吉辰也所
值之日宜命將登壇襲爵受封上官赴任臨政親民

○歷例曰王日者春寅夏巳秋申冬亥今易爲官日

者春卯夏午秋酉冬子今易爲王日相日者春巳夏申秋

亥冬寅民日者春午夏酉秋子冬卯守日者春酉夏

子秋卯冬午○曹震圭曰王日者四時正王之辰四

正之位帝王之象故得其政治也官日者四時臨官

之辰諸侯之象相日者四時官日所生也相氣之辰

宰相之象民日者四時死絕之辰庶民之象守日者

欽定協紀辨方書

卷五

義例三王官守相民日

五

四時胎絕之辰無氣能自固守以待將來各取其義
以爲名也

按此以春夏秋冬取令星王相以爲吉辰也王日天
子所用日官日臣下所用日守日封疆之臣所用日
相日貴近之臣所用日民日百姓所用日五日之外
歷家又以未戌丑辰爲四序獄日申亥巳寅爲四序
隸日酉子卯午爲四序牢日戌丑辰未爲四序死別
日亥寅巳申爲四序伏罪日子卯午酉爲四序大敗
日又曰不舉日丑辰未戌爲四序罪刑日又曰刑獄

日蓋獄日爲四序之墓辰餘並休囚死辰云耳後人以王官守相民日有吉無凶而十二辰未遍也于是
一一區而別之而命以名又勢必不能確切也于是
重出疊見支離覆逆而不可信據矣然神煞雖增七
類而別無所宜不過一例忌用則止存原定五辰而
餘並勿用可耳何必多其辭說以惑世哉今悉刪去
至王日向爲寅巳申亥官日向爲卯午酉子後人兩
易其位蓋以寅爲春木之臨官而卯爲春木之帝旺
也然細釋其理不如舊說爲高蓋寅爲陽木之臨官
卯爲陰木之臨官五行之性臨官吉於帝旺以其中
也君用陽而臣用陰又易之道也帝居帝位官居官
位皆臨官也不必帝用帝旺官用臨官然後爲得且
使陰陽易位轉爲失也至于春辰夏未秋戌冬丑者
四序當王之土神也故曰守日守封疆之臣用之春
巳夏申秋亥冬寅四序之相氣則自元子以下王侯
卿相通用之吉辰也夫春旺木而生火則午爲正令
夏旺土而生金則酉爲正令相宜以午酉子卯而以
午酉子卯爲民日而不曰相者何也巳陽火陽土也

申陽金也亥陽水也寅陽木也故爲相也午陰火陰土也酉陰金也子陰水也卯陰木也故爲民也臣陽而民陰猶王陽而官陰也抑更有進焉相之爲相也爲王之所生固已然已有金申有水亥有木寅有火不專一行其吉凶未定也書曰惟吉凶不僭在人惟天降災祥在德其吉凶未定正與富貴相似用其日者適順乎天之道而致傲於人之心也若夫午酉子卯則專火專金專水專木爲四序當令之真子吉莫大焉故爲民日民得全吉則王官相守皆得全吉也而曹震圭以四時死絕之辰爲庶民之象最爲無理夫人心之惡雖桀紂盜跖未必欲庶民之死絕也且衆庶馮生故曰庶民雖一晝一夜萬生萬死而終古無死絕者乃庶民也安得有死絕之象耶其荒謬至于如此

又按歷例以春酉夏子秋卯冬午爲守日以春辰夏未秋戌冬丑爲牢日邵泰衢作歷神原始謂守與牢二字相近而訛易之則吉凶各以類聚且與五勝義恰符甚爲有理今從之

四擊



欽定協紀辨方書

卷五


義例三四擊

三

通書曰四擊者春戌夏丑秋辰冬未其日忌軍事○
 考原曰四擊者四時所衝之墓辰也如春月建寅卯
 辰辰與戌衝故戌為四擊也餘倣此

按四季以土旺為守日四擊其衝也春土旺於辰而
 戌擊之夏土旺於未而丑擊之秋冬亦然故其日忌
 出軍防邊等事

九空



欽定協紀辨方書


卷五

義例三九空

三

廣聖歷曰九空者月內殺神也其日忌修造倉庫出入貨財○歷例曰九空者正月在辰逆行四季○曹震圭曰九空者墓庫破散之神也庫破則空衝則散假令寅午戌月火庫在戌辰能衝散也亥卯未月木墓在未丑能衝散也申子辰月水墓在辰戌能衝散也已酉丑月金墓在丑未能衝散也今歷家所傳與九坎九焦同行者非蓋所傳有誤紀歲歷亦止是逆行四季

五墓



欽定協紀辨方書


卷五

義例三五墓

壽

廣聖歷曰五墓者四旺之墓辰也其日忌營造起土
 嫁娶出軍○歷例曰五墓者正二月乙未四五月丙
 戌七八月辛丑十月十一月壬辰四季月戊辰也○
 曹震圭曰五墓者五行旺干自臨墓辰也十干者身
 之象若營造起土似臨於無氣之位也又以干爲夫
 之象若嫁娶則夫自臨死氣之位也又以干爲我若
 出軍征伐是自臨死墓之地也故忌之假如正二月
 木旺木墓於未加以乙未是自臨墓辰也餘倣此

四耗
四廢
四忌
四窮
八龍
七鳥
九虎
六蛇



欽定協紀辨方書

卷五

義例三四耗四廢四忌四窮

壹

總聖歷曰四耗者謂四時休干臨分至之辰也其日忌會親姻出師開倉庫施債負○歷例曰春壬子夏乙卯秋戊午冬辛酉○曹震圭曰物之將分者必散也至者盡也是陰陽數盡而將分也又得休干臨之故曰耗○考原曰四耗日固是休干亦休支也春壬子幹枝皆水夏乙卯幹枝皆木冬辛酉幹枝皆金秋戊午幹土而枝火洞源經云火不尅金何旺土生金火亦生金也蓋春木旺則水耗夏火旺則木耗秋金旺則火土耗冬水旺則金耗故曰四耗

廣聖歷曰四廢者四時衰謝之辰也其日忌出軍征伐造舍迎親封建拜官納財開市○歷例曰春庚申辛酉夏壬子癸亥秋甲寅乙卯冬丙午丁巳○蓬瀛經曰四廢者是五行無氣福德不臨之辰百事忌用○曹震圭曰四廢者干支俱絕也假令庚申辛酉絕於春寅卯辰也他做此

神煞起例曰四忌春甲子夏丙子秋庚子冬壬子合四窮日卽爲八龍七鳥九虎六蛇

總要歷曰四窮者謂亥爲陰絕之辰以四時旺干臨

欽定協紀辨方書

卷五

義例三四耗四廢四忌四窮

美

之故曰四窮所值之日不可遠行征伐出納財物○歷例曰春乙亥夏丁亥秋辛亥冬癸亥○曹震圭曰亥者地支末辰極陰之位以四時陰干配之故曰四窮

總要歷曰八龍七鳥九虎六蛇其日皆不可迎婚嫁娶○歷例曰春甲子乙亥爲八龍夏丙子丁亥爲七鳥秋庚子辛亥爲九虎冬壬子癸亥爲六蛇○曹震圭曰亥者陰氣之極子者陽氣初生是陰陽氣絕脫謝之辰也十干象夫十二支象婦今以四時旺干而

配亥子是夫旺而婦絕且我臨於絕地也故用忌之
○考原曰甲乙者東方木也爲青龍其成數八丙丁
者南方火也爲朱雀其成數七庚辛者西方金也爲
白虎其成數九壬癸者北方水也爲龜蛇其成數六
故各因以爲名也

按四耗日干支皆休氣也四廢日干支皆死氣也四
忌日以本令陽干加於辰首也四窮日以本令陰干
加於辰尾也夫休死固非吉辰矣本令陽干加子本
令陰干加亥何以亦凶耶曰易之道天德不可爲首

欽定協紀辨方書

卷五


義例三四耗四廢四忌四窮

三

今以陽干而居辰首是爲首也地道無成今以陰干
而居辰尾是有成也皆以其旺極而爲凶非衰謝之
義也其八龍七鳥九虎六蛇義亦本此蓋春甲子乙
亥合之則是春之陽干據其首春之陰干據其尾全
備而無遺矣故曰八龍八者春之數也龍者春之獸
也猶言全春之數盡在是也易曰積德之家必有餘
慶天地循環不窮萬化日新皆由氣盈朔虛而出無
餘者非天道也故忌之

九坎


九焦



廣聖歷曰九坎者月中殺神也其日忌乘船渡水修隄防築垣墻苫蓋屋舍○歷例曰九坎者正月在辰逆行四季五月在卯逆行四仲九月在寅逆行四孟○曹震圭曰坎者陷也險也不平也義與九焦同○廣聖歷曰九焦者月中殺神也其日忌爐冶鑄造種植修築園圃○歷例曰正月在辰逆行四季五月在卯逆行四仲九月在寅逆行四孟○曹震圭曰九坎九焦者是月中之殺神逆天地之道者也假令正二三四為歲首東方之位當用孟辰以生萬物今則以

季辰收殺萬物是其逆也五六七八爲歲中今雖用
仲辰成熟萬物然歲首不與其生焉有成熟哉九十
十一十二月爲歲之終萬物收藏之時今方欲以孟
辰生育萬物豈能有生育哉是逆天地之道萬物無
能成就也

按寅午戌火月逆行辰卯寅亥卯未木月逆行丑子
亥申子辰水月逆行戌酉申巳酉丑金月逆行未午
巳火逆於木則火成燎原木逆於水則木多沉溺水
逆於金則水多搏激金逆於火則金多燦銷故曰九
坎曰九焦然從水火以命二名故歷家止忌乘船鼓
鑄栽種等事義無大害今從之



欽定協紀辨方書

卷五


義例三五虛

早

樞要歷曰五虛者四時絕辰也其日忌開倉庫營種
 蒔出財寶做債負○歷例曰五虛者春巳酉丑夏申
 子辰秋亥卯未冬寅午戌也○曹震圭曰五虛者四
 時逢絕之辰也物絕則損朽其中虛而無實也故曰
 虛如春木旺巳酉丑金絕也夏火旺申子辰水絕也
 秋金旺亥卯未木絕也冬水旺寅午戌火絕也

八風

觸水龍



欽定協紀辨方書

卷五

義例三八風觸水龍

望

樞要歷曰咸池招搖八風觸水龍所值之日忌乘船
 渡水涉江河○歷例曰八風者春丁丑己酉夏甲申
 甲辰秋辛未丁未冬甲戌甲寅觸水龍者丙子癸丑
 癸未也○曹震圭曰八風者是八節八卦之風也各
 以四立之建後一辰為四立之風以其三合前辰為
 次節風如立夏建巳以辰為立夏風申為三合前辰
 為夏至風是也假令立春建寅以建前丑為正風以
 丁配之取溫和之意也以酉為傍風配之以己取己
 土長生之地也立夏建巳以辰為正風申為傍風皆

以甲配之者立夏之後風勢極微故配甲以生之也
立秋建申以未爲正風而不取傍風者謂秋氣好殺
而無養育之性以辛配之取金風之象又以丁配之
存其溫和之氣也立冬建亥以戌爲正風寅爲傍風
皆以甲配之者以風鳴冬其勢極大配之以甲木以
生風也共爲八節故曰八風觸水龍者觸犯也龍水
物也壬癸亥子水也能與水相勝者火土也火在上
爲丙土居下爲四季辰乃龍之正位壬水所居戌亥
爲乾天之位有龍象焉故惟餘丙子癸未癸丑爲觸
水龍日也

欽定協紀辨方書

卷五

義例三八風觸水龍


望

按靈樞經曰一者天二者地三者人四者時五者音
六者律七者星八者風九者野又曰冬至之日太一
立於叶蟄之宮風從南方來爲虛風賊傷人者也立
春之日風從西方來萬民又皆中於虛風由此觀之
八風之義其本諸此乎春丁丑丁巳夏甲申甲辰秋
丁未丁亥冬甲戌甲寅巳丑之於春也卽五虛巳酉
丑而去其正位之酉也申辰之於夏也卽五虛申子
辰而去其正位之子也秋冬可推蓋正風猶可而邪

風更凶也其以丁甲者木爲風風又出於火也觸水龍者水之伐日也龍水族之長子爲水官癸卽子也干爲水而支伐之與支爲水而干爲支之所伐皆猶觸水中之龍也招搖卽六儀六儀卽天罡陰建之衝也咸池五行沐浴之地也圖並見前故不著觸水龍不論四時皆忌此三日故不圖涉江並忌故比而陳之而咸池招搖不嫌重見者別著一義故也

欽定協紀辨方書 卷五 義例三八風觸水龍 望

寶義制專伐日



淮南子曰子生母曰義母生子曰寶子母相得曰專
母勝子曰制子勝母曰困以制擊殺勝而無報以專
從事而有功以義行理名立而不墮以寶畜養萬物
蕃昌以困舉事破滅死亡○遁甲經曰寶日者幹生
枝也義日者枝生幹也制日者幹克枝也其日利行
軍伐日者支克干辰也其日忌攻討征伐出軍掠地
專日者干支五行相同也其日忌出軍○歷例曰寶
日者丁未丁丑丙戌甲午庚子壬寅癸卯乙巳戊申
己酉辛亥丙辰義日者甲子丙寅丁卯己巳辛未壬

申癸酉乙亥庚辰辛丑庚戌戊午制日者乙丑甲戌
壬午戊子庚寅辛卯癸巳乙未丙申丁酉己亥甲辰
伐日者庚午辛巳丙子戊寅己卯癸未癸丑甲申乙
酉丁亥壬辰壬戌也專日者甲寅乙卯丁巳丙午庚
申辛酉癸亥壬子戊辰戊戌己丑己未○曹震圭曰
幹生枝者得其天時也枝生幹者得其地利也幹克
枝者得其人和我可制彼也故幹爲天爲我枝爲地
爲彼也伐者彼伐於我也干爲尊爲我支爲卑爲彼
是卑伐於尊彼尅於我其義逆也今幹枝同類是彼


我同德兩勢相敵不分勝負故忌出軍○考原曰專日亦名和日
 按淮南以專日為吉謂以專從事則有功而遁甲則以專日為凶今按專日所忌止在行軍其他固當從淮南並以吉日論

欽定協紀辨方書

卷五

義例三寶義制專伐日

八專



墨

會門經曰八專日忌出軍嫁娶丁未己未庚申甲寅
癸丑也

按八專而止五日者十干所寄止於八支不居子午
卯酉而此八支之中六甲循環干支相見則曰八專
也忌出軍者彼己同位則交綬也忌嫁娶者陰陽同
居則無別也


欽定協紀辨方書

卷五

義例三八專

無祿

異



通書云甲辰乙巳庚辰辛巳丙申戊戌丁亥己丑壬申癸亥此十日祿皆落空故云無祿如甲祿在寅乙祿在卯甲辰旬寅卯空故甲辰乙巳爲無祿也庚祿在申辛祿在酉甲戌旬申酉空故庚辰辛巳爲無祿也丙戌祿在巳甲午旬巳空故丙申戊戌爲無祿也丁巳祿在午甲申旬午空故丁亥己丑爲無祿也壬祿在亥甲子旬亥空故壬申爲無祿也癸祿在子甲寅旬子空故癸亥爲無祿也此十日各曰無祿日又曰十惡大敗日然惟隨各年及本命避之如庚戌年及庚戌生人忌用甲辰之類是也


按無祿日乃祿陷旬空故以爲忌然六壬火珠林之法填實則不空非不論年月而概以此十日爲祿空也如甲辰日寅祿落空若太歲月建太陽在寅則不爲空而此年月之甲辰日卽不爲無祿日矣餘日倣此術士盲於理不問年月而概忌之固拘滯不可通又謂惟對衝之年及對衝本命人忌用其日則又曲爲通融而悖謬不可解者也

重日

五合

五離

除神



欽定協紀辨方書 卷五 義例三 重日五合五離

吳

天寶歷曰重日者以陰陽混合於亥陽起於甲子而順陰起於甲戌而逆至巳亥而向故曰重日其日忌為凶事利為吉事○歷例曰重日者巳亥二日也○曹震圭曰亥為陰極之位坤辟在焉巳為陽極之位乾辟在焉是陽中陽而陰中陰也故曰重其日忌為凶事者恐重犯也利為吉事者宜再見也

五合

樞要歷曰五合者月內良日也其日宜結婚姻會親友立券交易○歷例曰五合者寅卯日也○曹震圭

曰十干者夫之象十二支者婦之象今自子爲始以甲相配至酉而止不及戌亥然戌能進五辰配寅中之甲亥能進前五辰配卯中之乙而成夫婦會合之禮故曰五合若其他則進五無所配也雖有辰配申中之庚巳配酉中之辛而申酉反爲五離者易曰一陰一陽之謂道雜則相乖合則睽離也故曰五離


按歷例五合者寅卯日也而曹震圭以戌亥爲言未詳其義今按漢書曰甲寅無子言甲寅旬中無子丑也然則寅卯之爲五合日者以寅配甲卯配乙而六甲乃成有貞下起元之義則使五位相得而各有合者寅卯也故曰五合反此則爲申酉六十甲子至戌亥而絕則未絕而離者乃申酉矣若以四時言之寅卯爲春和會之氣也故爲五合申酉爲秋清肅之氣也故宜解除

五離 除神

樞要歷曰五離者月中離神也其日忌結婚姻會親友作交關立契券○歷例曰五離者申酉日是也○曹震圭曰五離者是陰陽重會之辰再合則離也○

考原曰按通書以申酉日爲除神與五合對衝之日也宜沐浴祓除災眚

按日神不從年月天干起義者唯此二條故併爲一圖



欽定協紀辨方書

卷五

義例三重日五合五離


解神

五

總要歷曰解神者月中善神也所值之日宜上詞章
雪冤枉○歷例曰正二月申三四月戌五六月子七
八月寅九十月辰十一月十二月午也○曹震圭曰
解神者月中奏對直諫之臣也常居與月建相對之
陽辰與太歲中奏書一義蓋忠直之臣不處私陰之
位也

按陰陽之性非衝不解而解神於六陽辰卽用衝神
於六陰辰則不用衝神而卽用陽辰之衝神者何也
陽者德也衝之而卽解所爲如日月之食者也陰者
慝也衝之卽慝作矣然而陰非無陽者也必衝其陽
則慝亦解動其固有之德也雖然不可徑衝其本位
也爲臣者知此得進諫之方焉爲君者知此得受諫
之道焉故曹震圭比之奏書也

復日



欽定協紀辨方書

卷五

義例三復日

五

天寶歷曰復日者為魁罡所繫之辰也其日忌為凶
 事利為吉事○歷例曰復日者正七月甲庚二八月
 乙辛四十月丙壬五十一月丁癸三九六十二月戊
 己日也○曹震圭曰復者重見也為本建之辰與所
 遇之干同也假令正月寅即甲也而又見甲是復也
 又如辰戌即戊也丑未即己也而又見戊己是復也
 餘倣此地理新書云正月甲七月庚二月乙八月辛
 四月丙十月壬五月丁十一月癸三月九月戊六月
 十二月己


按建寅而得甲日則是月與日同也爲凶事之所忌者蓋猶忌月建之義然干與支不可同日語矣俗則以爲犯此則致重喪益無是理選擇宗鏡載古人葬課多用建日又曰正月甲日二月乙日得令得祿最吉三月戊日雖不得祿而實得令次吉然則復日之忌固不可從而世俗相傳已久今定爲鳴吠遇復日則忌德赦六合遇復日則不忌庶存其名不害於義云

欽定協紀辨方書

卷五


義例三復日

鳴吠日



三

鳴吹對日



欽定協紀辨方書

卷五

義例三鳴吹

番

一行云鳴吹者五姓安葬之辰也用之者得金雞鳴
 玉犬吠上下相呼亡靈安穩子孫富昌○鳴吹日者
 庚午壬申癸酉壬午甲申乙酉庚寅丙申丁酉壬寅
 丙午己酉庚申辛酉也○歷事明原曰金雞者兌也
 兌宮酉也玉犬者艮也艮為犬也大抵外宅之要在
 山澤地勢是坤艮兌也故以坤兌往來加艮頡布八
 卦視艮所臨之辰為艮也如兌加艮則艮臨離午也
 又以離加艮則艮臨兌酉也又以坤加艮則艮臨坤
 未申也又以艮自加艮丑寅也丑未二辰乃墓絕無

氣之位故不可用又十干之中戊爲陽土以配中宮明堂之位不可用也甲午甲寅丙寅者乃自死自旺自生之日故不用止餘一十四日爲鳴吠吉日也

一行經云鳴吠對日者用之破土斬草也○鳴吠對日者丙寅丁卯丙子辛卯甲午庚子癸卯壬子甲寅乙卯也○考原曰按鳴吠對者乃與鳴吠對衝之日其己丑日無對衝庚寅與甲申壬寅與丙申又互爲對衝故止餘九日今取十日者蓋甲午日雖不用爲鳴吠然其對衝庚子可用爲鳴吠對也若甲寅之對庚申丙寅之對壬申則鳴吠日中已用之矣惟甲午疑應作甲子蓋甲子本與庚午對衝且旣用庚子不宜并用甲午也恐傳者有誤

神煞起例曰金雞鳴玉犬吠並鳴吠對日相傳始於郭公而定於邵子舉世用之大葬日曰金雞鳴玉犬吠小葬日曰鳴吠對試問何爲金雞玉犬何爲對則莫知所由來矣蓋生人之禮屬於陽葬者藏也則屬於陰夫人生有生死一世之陰陽也四序有春秋一歲之陰陽也十二時有晝夜一日之陰陽也陽取乎

陽陰取乎陰各從其類道本自然耳時日之陰陽分於日之出沒日出東方爲陽生人之事也日入西方爲陰送終之事也金雞者酉爲日入之門玉犬者戌爲閉物之會然埋藏於土而不敢犯土凡支干屬土者如戌己名都天辰戌丑未名大墓皆所不宜故不用戌而用酉溯酉而上至午而止午乃一陰之始過午而已則六陽之卦矣用五酉以爲主已陰土屬酉故亦不忌是謂金雞也申去戌而用四申越未而午亦去戌而用四午共爲大葬之十三日謂之鳴吠者

以此次酉之對爲卯則去己而用四卯以別於酉也申之對爲寅亦去戌而用四寅午之對爲子亦去戌子不用至於甲乃十干之長純陽也故亦不用而用三子共爲小葬之十一日謂之鳴吠對者以此亥爲巳之對故亦不用云又星命之術數人生時遇卯安命取東方出地之義而中陽子葬埋克擇則遇酉安命亦取西方入地之義豈非用酉之一証耶其餘因金雞而多張名目則術家巧飾耳目之爲不足深究矣

鳴吠日

一陰生日
未土不用
用甲日

五戌屬土
不用

酉對日

鳴吠對日

未土不用
用申對日
陰生日對日

庚午	壬午	甲午	丙午	戊午
壬申	甲申	丙申	戊申	庚申
癸酉	乙酉	丁酉	己酉	辛酉
甲戌	丙戌	戊戌	庚戌	壬戌
癸卯	乙卯	丁卯	己卯	辛卯
壬寅	甲寅	丙寅	戊寅	庚寅
庚子	壬子	甲子	丙子	戊子

按通書安葬用庚寅壬寅丙午庚午壬午甲申丙申

欽定協紀辨方書

卷五

義例三鳴吠

三

庚申壬申乙酉丁酉己酉辛酉癸酉十四日為鳴吠
 日啓攢用丙子庚子壬子甲寅丙寅乙卯丁卯辛卯
 癸卯甲午十日為鳴吠對日相傳始自郭璞謂之金
 雞鳴玉犬吠日而不知其所由明原曲為之解而不
 能通考原疑其有誤而未之定今按神煞起例之語
 於理為安庶幾可信其法以甲丙庚壬四千配午申
 得八日避戊土不用以乙丁己辛癸五千配酉得五
 日避未土不用共十三日為鳴吠日己為陰土生於
 酉故配酉而不避也又以丙庚壬三千配子得三日

避戊土不用甲配子爲純陽亦避不用以甲丙庚壬
四千配寅得四日避戊不用以乙丁辛癸四千配卯
得四日避己不用共十一日爲鳴吠對日通共二十
四日通書誤以庚寅壬寅爲鳴吠甲午爲鳴吠對遂
不可解今圖依起例改正又按起例以戌爲土不用
而止用酉則止有金雞鳴而無玉犬吠矣何以爲鳴
吠耶曰一行之言金雞鳴玉犬吠上下相呼亡靈安
穩人之葬也歸骨於土戌爲終萬物之地至亥則又
爲始矣故亥日登明然則戌者指葬地而非指葬日
也言擇日必以酉爲主則是金雞鳴於上而地下之
玉犬與之吠應上下相呼而亡靈安穩矣酉辛也然
辛不居酉而居戌辛金也玉金之精也故有金雞玉
犬之號人事行於地上魂魄安於地下正以地上之
金雞呼地下之玉犬而非並用雞日犬日之謂也

